

永新縣志

永新縣志序

永新爲邑方地數百里巖岨陜阨包絡互參殆古所稱四塞之壤蓋孫氏之所畫而制也有雄關之遺焉譚其形要則控荆陲而據上游引郴虔而走交廣雖蕞爾僻徼而襟吭搯屹然有隱重矣若迺靈秀孕輸山川蘊結厥稱相鄉髦乂攸宅鬱爲文明奧區而俗故尙守節士標峻履風教洋洋流貞聲而炳偉烈者踵相接焉則江以西尤獨擅也斯其重詎直以形要故哉肇域以來歷禩悠邈其閒官政代更章度增益棼總林林靡殫述已顧往

永新縣志卷之首

一

蹟日湮前喆莫鏡則其所爲重者後何以觀焉文獻不足言禮無徵杞宋之事仲尼蓋傷之矣考文徵獻於今茲不已病瘡志之修胡可已也在昔九丘書逸禹貢職方實志所繇昉自漢而下作者爛然著流矣明興郡邑莫不有志蓋史家所不殫及文學鄉大夫得紀述以傳信詔來憲章所託重矣俾物垂軌經遠弗斁不軌不物卽文之惡能俾邑重耶邑大宗伯洞山尹先生鄉之宿髦今代良史也斯文在是覲合有符變通之會殆天啟之矣顧誠得先生以重斯典余小子卽無能爲役敬願畢

力以從已爲之介紹以請先生適契斯衷忻然載筆遂乃攬摭子史傳記博訪山氓野老探求故實證以舊乘采詢旣同錯綜彙括上下千數百年蒐墜綴逸摭幽闡微盡釐蕪穢之言特出冥超之識化裁品鑒鈞石權衡勒成一家比良昔史夫非作者之極思與至因事論推憤世悼俗慨焉於今昔盛衰之際雖意慮溢發而壹歸於雅馴覽之者恍若躡龍門升凌霄縱目七十一峯想見當時慨慷慕義之士與之談說往舊指問蒼崖白石之間舒嘯騁懷而千古在追弔中也一方之勝蹟不炳然

永新縣志卷之首

二

其可挹乎嗟嗟斯邑故以人地重今能使世之重斯邑也則以是典而是典之能爲邑重也則以先生矣若先生之所以自爲重則藏副宜別有存茲第窺一斑故非先生所就業而亦何當於先生之重哉余小子幸釋茲負熹竊沾沾謹敘言首簡以識弗刊志凡八卷爲目十有三閱歲始成刻而適余社友王君長孺至君雅好古自附桓譚之述太元也遂卒業而與爲讎校焉是役也邑博士閱視忻佐其成諸文學弟子後先分纂加刪訂均與有勞焉因刻之下方

萬歷六年歲在戊寅春二月之吉

賜同進士出身文林郎知吉安府永新縣事吳郡
龔錫爵撰

分纂李子惠史訓劉生祉尹學孔陳啟忠湯來
蘇周以愛李嗣晟張復初賀九貢劉志周戴有
振

閱視教諭丁桂程大喬訓導周暄羅邦慶

永新縣志序

令之爲要重矣貞山陸先生以諫議直言左遷令永新時余從先生游獲私朝夕受知先生固特深先生嘗與談及邑今治理之政以喻化爲亟務謂邑俗本近古無論弦誦士先是往往敦節樹修曩者宋季遭世之亂雖田夫里媪猶能不變志於倉卒危難斯其俗之所慕向濡染者夫非有所觀效然歟今欲士守先代軌式鮮遺行盡知所慕企而其民之嚚悍者馴於法媮詭者安於禮靡然風習與化流易不反之於古可乎吾意政教法令之禁

永新縣志卷之首

四

其後莫若微文切喻之牖其先必推先代行事輯修成志使通邑得所誦感以相勉奮於逖聞閒斯古之治人者貴導化而漢良吏潁川之猶幾志也君必爲我成是舉哉明年議開局欲以志事專屬余媿謝不能遷延未卽成諾而先生遽引疾歸矣今俯仰四十年余旣久縻迹仕止之途衰疾時并無復能念此迺繼陸先生來者亦莫聞一語及之今令長石巖龔侯修善政未期年顧獨沾沾重茲舉蓋有過陸先生之爲勤也嗟乎士曠世志同豈必有所感授然哉俟與陸先生雖並出吳產然聲

迹絕闊何慕尙之出一揆耶丙子秋侯設局召諸生草創志事比冬入覲又託二三生加訂削而謁余俾輯成之余慚昧陋亡以愈於從陸先生相遊日也肆今益耄荒何以副侯之勤志於是勉取諸生之所綴次者稍芟蕪其贅繁附以傳記稗史所載列有綰系天常倫紀之大或於山川人物足蒐補其漏佚則錄之無敢後近諸怪僻推於世教尠扶翊卽有聞證弗入焉蓋辭貴約故先抑其侈事尙核故亟黜其謬要之據實足致人於感效則以廣厲邑士庶幾俗化有少裨助焉爾志甫成而侯

永新縣志卷之首

五

特舉邑上世忠孝義烈之賢并女婦之著節皦白者凡二十有一人請之大吏各設專祠歲祀之斯其事非皦然有合於陸先生之志與而式章古今未振之盛典可使人人知倫常之重固俗化移易之默存所謂大有功於名教非若它政績近在期會考計閒者足比宜邑士民交欣並頌於侯之重是舉而忘余所撰次之弗副矣侯旣首爲之序余聊述先今議輯本末引其端以告來後凡侯於余多溢予之辭余甚忸焉不敢當者雖侯讓美著謙其能遂蓋余無文之陋也夫

萬歷六年歲在戊寅春三月朔
賜進士出身資善大夫南京禮部尙書致仕前二
京國子祭酒太子少詹事翰林 侍講學士掌院
事管修 國史兼理
誥勅同纂

大明會典邑洞麓耄史尹臺撰

永新縣志卷之首

六

永新縣志後序

永新縣志成龔令汝修君屬余爲序余辭不獲乃述其意於末簡先是君拜命永新余備員史局過余議所以治新者余偶應之曰漢賈生云移風易俗使天下回心而嚮道類非俗吏之所能爲也乃俗吏之所務在於刀筆筐篋夫漢治近古賈生已憂之若是矧後世耶君侯寧無意於茲乎汝修君唯唯於是相與談永新俗尙者竟日始別去余後自悔其言迂甚今士初釋褐未習叩閭閻疾苦一旦縮符百里而試之政儻簿書期會閒一不報卽

永新縣志卷之首

七

已謂無能何暇問俗頃者征斂且急假令陽城爲吏必以催科後撫字亦懼其職之罔稱也而欲其如誼之言不已過乎無何汝修君蒞永新案無停牘圉無畱獄積逋用輸諸務具興未朞年邑號大治邑故有志歲久漫漶不可考迺請於大宗伯洞山尹公更修之洞山尹公抱經濟之實學而未究厥施樂是役之有裨於政教也因指授大義付邑諸博士弟子采詢故牒草創志本已乃獨持神鑒芟繁舉要歸於典實是故其體嚴其義正其詞約其事該一邑之文獻於焉悉備而至於人才之盛

衰吏治之淑慝民風士習之與化流易未嘗不臨
文興慨思起而維持之有不可得此公所以著作
之本意將冀廣厲一邑人士俾悼今追昔有所感
奮而興起焉者而汝修君當是志甫成後就其中
所稱忠孝義烈之英及女婦之秉節皦著者若干
人俱崇之祀典以爲世勸茲非有志於賈生之所
謂移風易俗使天下回心而嚮道者歟以是知儒
生之迂談未必無補於治而刀筆筐篋之吏不先
務化導日操上之所重以鞭笞其民而應之無怪
乎吏治之日偷也已余故深有感焉而直書之以

永新縣志卷之首

八

爲永新縣志後序

明萬歷丁丑仲冬朔日

賜進士翰林院修撰承務郎纂修

國史 會典兼理 經筵官廬陵習孔教書

永新縣志後序

夫志史之流也古者史職最重自王朝至列國皆有史而官之者類能自重其職紀載覈而論刺公其法可觀鏡也秦而后天下爲一列國之史廢而郡縣之志興獨王朝有史官而鄰於星歷卜祝之間其職固甚輕而官之者或又不皆自重其職以故所論著往往出於臆見而是非刺繆於聖人蓋其法亦且亡矣法亡而史亡矣志也者所繼古之法而翼其衰者也蓋有五觀焉徵文獻一也考山川二也稽田賦三也察謠俗四也綜物產五也是

永新縣志卷之首

九

五者不具不足以言志顧今之天下何域而無志哉計天下爲府者數百爲縣者逾千府有府志縣又有縣志總其牘林林然充棟矣而裁以史氏之法其紀載果盡覈乎論刺果盡公乎稍有不核不公則史之法亡史之法亡而名之爲志天下其何觀焉有識者冀得祖龍氏灰之而後快非激譚矣嗟乎今之守令當古諸侯而古以世今以流其體固不貲矣是故視其土非吾家也視其人非吾子也有不等之蘧廬勉爲一宿而去者幾何哉則亦惟是競競於簿書期會之間以爲大故耳卽欲加

意刪述爲不朽計豈皇給乎故其勢不得不假手於文學之士而其所稱文學之士者或才慙三長學謝五車胸乏鑑空筆慚矢直遂令陽文著瑕無鹽被賞砒砒見珍夜光受盼夫人倫無論已卽他所紀述如山川田賦之屬亦多舛贗而不可覈者又安能令數百年而後灼灼足信據乎吾永新於吉州爲屬邑其人文炳烺與諸鉅邑等舊雖有志而宜書不書不宜書而書大率如所論前志之弊無足徵者至今令龔侯始更修之侯爲政潔己愛民凡所規畫懇懇然若慈父母之爲子孫計慮者

永新縣志卷之首

十

政通之暇令邑弟子員校葺是書而請於太宗伯尹先生加裁定焉先生在東觀五十年雅以三長稱重當時故其爲志或畧或詳或予或奪或嚴或縱總之副於公論而斷以特筆眞足爲茲土藉重者於是志成且入鉅侯乃走書京師屬雨序其末簡雨鄙人也烏知史法然竊有私幸焉夫世無於菟則舊政孰興告新孔子之作春秋也實在相魯之後事之成否固有時矣俟之賢不啻於菟藉第令先生無歸而竟其長於東觀則邑固鮮能史者侯卽有告新之志安所免於乏才之嘆哉故斯舉

也吾永新之厚幸也邑人甘雨書



永新縣志卷之首

十一

永新縣志目錄

縣境圖 佚

縣署圖

廟學圖

序志

卷之一

建置

縣建置

沿革

縣署

屬司署

坊巷橋梁

疆域

里至

山川

鄉都

市鎮

津渡

卷之二

官師

縣令丞簿尉

學官

屬司

所官

選舉

進士

鄉舉

歲貢

薦辟

封贈

卷之三

目錄

十二

戶賦

戶口附

賦稅

徭役

民兵

物俗

物產

風俗

祠祀

壇壝

祠廟

鄉祀

寺觀

卷之四

宦績

縣令丞簿尉巡檢

賢學官

人物上

列傳

卷之五

人物下

忠節

義烈

孝友

儒行

文學

雜志

災變

古蹟

城臺榭

宅墓

僊釋

卷之六

藝文上文類

卷之七



藝文中文類

卷之八

藝文下詩類



目錄



序志

序曰夫志史之流裔與昔先王畫野建國國有政俗貢聞天子太史受而采焉其概固列古九丘之書然自春秋時能讀之者已鮮矣則周室外史氏所藏四方之志世可得復窺乎亂更秦漢典籍散亡孫氏乘漢微爰肇茲邑事難證之往牒故余輯志斷自吳始而歷晉唐以來分併靡一稍爲推本其終始著論次焉

維邑作先壤裂廬陵始割中并代有廢興推唐□
□迄我明世表□□□□□□□□□□□□□□

永新縣志卷之首

十五

既邑肇建有巖斯壤有駛斯川中廣外塞風氣閎宣兆民以殖政紀出焉志疆域第二 邑建民域上下以秩治而教之匪人疇式志官師第三 舉士興材古今殊制吳後接晉志逸靡記乃繇南唐以訖我明詳其人而次其世志選舉第四 守位以人聚人以財周重版圖夏慎壤貢政是以又諧志戶賦第五 物產於土制而用之惟政俗成於風化而裁之惟教是以君子慎其所觀效焉志物俗第六 治人事神國之大經祀疏則怠祀黷則淫考族辨經毖祀乃歆人可得而治矣志祠祀

第七 良吏宣惠蒸黔慕德爰迨哲師以暨冗秩
不患無位患所以立志宦績第八 焯哉先民長
人輔世或修之家茂行洵懿或奮側微殉身矢義
載其光烈逖興女士志人物上第九下第十 天
變古蹟仙釋工伎重常畧怪厥有遺實載籍所不
廢也志雜志第十一 往哲藐矣遺文則傳撰述
詠歌抑侈今賢表類著式人道終焉志藝文第十
二 是故開治肇迹建置先矣疆域正其方也官
師辨其位也選舉興材戶賦出貢物俗以制其節
祠祀以正其經宦蹟章而褒勸遠人物表而觀趨

永新縣志卷之首

十六

定雜志藝文事蒐辭并匡維教極以不詭天人之
貞應志道於是乎大章可以訓之政矣